



ДАРАА ТӨЛБӨРТ ҮЙЛЧИЛГЭЭНИЙ ГЭРЭЭ

Энэхүү ДАРАА ТӨЛБӨРТ ҮЙЛЧИЛГЭЭНИЙ ГЭРЭЭ /цаашид "Гэрээ" гэх/-г

Нэг талаас: 2576376 тоот регистрийн дугаартай, 9011269026 тоот Улсын бүртгэлийн гэрчилгээтэй Монгол Улсын хуулийн этгээд болох SKAYTEL ХХК /цаашид "Үйлчилгээ үзүүлэгч" гэх/, Нөгөө талаас: Монгол Улсын Иргэн

РД: _____ овогтой _____

/цаашид "Хэрэглэгч" гэх/ нар /цаашид хамтад нь "Талууд" гэх/ дараах нөхцөлүүдийг харилцан тохиролцож байгуулав.

НЭГ. ЕРӨНХИЙ ЗҮЙЛ

- 1.1 Энэхүү гэрээний зорилго нь Үйлчилгээ үзүүлэгч нь Хэрэглэгчид үүрэн телефон холбооны дараа төлбөрт үйлчилгээ /цаашид "Үйлчилгээ" гэх/-г үзүүлэх, Хэрэглэгч нь гэрээнд заасны дагуу зохих төлбөрийг төлөхтэй холбогдон үүсэх харилцааг зохицуулахад оршино.
- 1.2 Хэрэглэгч нь Үйлчилгээ үзүүлэгчийн сүлжээний үйлчлэх хүрээнд гарах, орох дуудлага, үндсэн болон нэмэлт үйлчилгээ, гарах, орох мессежийн үйлчилгээ, хот доторх үйлчилгээний үйлчилгээ мөн хөдөлгөөнт интернетийн үйлчилгээгээр үйлчлүүлэх бололцоогоор хангагдана.
- 1.3 Үйлчилгээний дугаар болон сим карт нь үйлчилгээ үзүүлэгчийн өмчлөлд байх бөгөөд гэрээний хүчин төгөлдөр хугацаанд тэдгээрийн зөвхөн эзэмших эрхийг Хэрэглэгчид олгоно.
- 1.4 Талууд онцгой нөхцөлд харилцан тохиролцсоны үндсэн дээр гэрээний нөхцөл, заалтуудад нэмэлт өөрчлөлт оруулж болно. Энэ тохиолдолд гэрээний нэмэлт өөрчлөлт хийх журмын дагуу шийдвэрлэнэ.
- 1.5 Энэхүү гэрээний өргөдлийн маягт болон Дараа төлбөрт үйлчилгээний нөхцөлийг энэхүү гэрээтэй хамт хэрэглэх ба эдгээр нь гэрээний салшгүй хэсэг байна.

ХОЁР. ГЭРЭЭНИЙ ХУГАЦАА

- 2.1 Энэхүү гэрээ нь Хэрэглэгч Дараа төлбөрт үйлчилгээний нөхцөлийг хүлээн зөвшөөрч, Талуудын эрх бүхий этгээд, гарын үсэг зурж, тамга тэмдэг даран баталгаажуулснаар хүчин төгөлдөр болж, гэрээний 2.3-д заасны дагуу болон Хэрэглэгчийн хүсэлтээр гэрээ цуцлагдах хүртэл хүчин төгөлдөр үйлчилнэ.
- 2.2 Талууд энэ гэрээний 2.3-д зааснаас бусад тохиолдолд гэрээг дангаар цуцлахыг хориглоно. Хэрэглэгч гэрээг цуцлах тухай саналыг үйлчилгээ үзүүлэгчид ажлын 3 хоногийн өмнө мэдэгдэж үйлчилгээг хаалгана.
- 2.3 Талууд дараах үндэслэлээр энэхүү гэрээг цуцалж болно. Үүнд:
 - 2.3.1 Гэрээнд заасан аль нэг үүргээ биелүүлээгүй бол;
 - 2.3.2 Хэрэглэгчийн эрх зүйн чадвар дусгавар болсон;
 - 2.3.3 Хуульд заасан бусад үндэслэлээр.

ГУРАВ. ХЭРЭГЛЭГЧИЙН ЭРХ, ҮҮРЭГ

- 3.1 **Хэрэглэгч нь дараах эрхтэй**
 - 3.1.1 Хэрэглэгч нь энэхүү гэрээгээр зөвхөн нэг дугаарыг эзэмших эрхтэй. Нэг Хэрэглэгч 5-аас ихгүй гэрээ байгуулна.
 - 3.1.2 Хэрэглэгч аливаа үйлчилгээ хийлгэх болон дугаарын дэлгэрэнгүй мэдээлэл авахад зөвхөн өөрийн биеэр цахим үнэмлэхний хамт ирнэ. Хэрэглэгч өөрийн биеэр ирэх боломжгүй бол нотариатаар баталгаажуулсан итгэмжлэлийг үндэслэн зөвхөн итгэмжлэлд заасан үйлчилгээг итгэмжлэгдсэн төлөөлөгчид үзүүлнэ.
 - 3.1.3 Хэрэглэгч нь тодорхой шалтгааны улмаас өөрийн биеэр ирэх боломжгүй тохиолдолд Үйлчилгээ үзүүлэгчийн журамд заасан үйлчилгээнд үйлчилгээний өргөдлийн маягтад бөлгөсөн баталгаат и-мэйл хаягаас хүсэлт илгээн авах эрхтэй.
 - 3.1.4 Хэрэглэгч нь үйлчилгээ үзүүлэгчээс олгож буй үйлчилгээ, хөнгөлөлт, урамшуулал болон үнэ тарифын талаарх мэдээллийг холбогдох хууль тогтоомж, Үйлчилгээ үзүүлэгчийн дүрэм, журам, үйлчилгээний нөхцөлийн хүрээнд авах эрхтэй.
 - 3.1.5 Үйлчилгээ үзүүлэгчийн холбогдох баримт бичгийн дугаар, лиценз олгосон байгууллагын талаарх мэдээллийг шаардан үзэх.
 - 3.1.6 Үйлчилгээний талаар санал, гомдол гаргах, талархал илэрхийлэх.
 - 3.1.7 Үйлчилгээ үзүүлэгчийг гэрээгээр хүлээн зөвшөөрч үүргээ биелүүлэхийг шаардах.
- 3.2 **Хэрэглэгч нь дараах үүрэгтэй**
 - 3.2.1 Хэрэглэгч нь өргөдлийн маягтыг үнэн зөв бичлэх.
 - 3.2.2 Хэрэглэгч нь өргөдлийн маягтын мэдээлэлд өөрчлөлт орсон тохиолдолд ажлын 5 хоногт багтаан Үйлчилгээ үзүүлэгчид мэдэгдэх.
 - 3.2.3 Үйлчилгээ үзүүлэгчээс олгож байгаа үйлчилгээг энэхүү гэрээ болон Дараа төлбөрт үйлчилгээний нөхцөлд заасан нөхцөлөөр ашиглаж үүрэг хүлээнэ.
 - 3.2.4 Хэрэглэгч гэрээний 3.1.3-т заасан эрхээ хэрэгжүүлэхдээ гэрээний өргөдлийн маягтад бөлгөсөн баталгаат и-мэйл хаягаас үйлчилгээ авах хүсэлт илгээхдээ баталгаат гарын үсэгтэй өргөдлийг хавсарган, Үйлчилгээ үзүүлэгчийн журамд заасан нөхцөлийн дагуу үйлчилгээ авах үүрэг хүлээнэ.
 - 3.2.5 Хэрэглэгч нь баталгаат и-мэйл хаяг болон гар утсан дахь мэдээллийн нууцлал, аюулгүй байдлаа хангах үүрэг хүлээнэ. Аюулгүй байдлаа хангаагүйгээс үүдэн гарах аливаа хохирол үр дагаврыг Хэрэглэгч бүрэн хариуцна.
 - 3.2.6 Өмнөх сард ашигласан үйлчилгээний төлбөрөө дараа сарын 05-наас 20-ны дотор бүрэн төлөх.
 - 3.2.7 Хэрэглэгч сим карт бүхий гар утсаа эсвэл сим картаа алдаж, үргэгдүүлсэн тохиолдолд Үйлчилгээ үзүүлэгчийн үйлчилгээний төвд өөрийн биеэр цахим үнэмлэхээ авч ирэн үйлчилгээг түр хаалгах.
 - 3.2.8 Хэрэглэгч нь гар утас, сим картаа гэрээнд заасны дагуу ашиглаж, зүй зохистой бус хэрэглээ хийхгүй байх үүрэгтэй.
 - 3.2.9 Гэрээгээр хүлээн зөвшөөрч үүргээ биелүүлэх.

ДӨРӨВ. ҮЙЛЧИЛГЭЭ ҮЗҮҮЛЭГЧИЙН ЭРХ, ҮҮРЭГ

- 4.1 **Үйлчилгээ үзүүлэгч нь дараах эрхтэй**
 - 4.1.1 Хэрэглээний хязгаарлалт бүхий хэрэглэгчийн хэрэглээ хязгаарт хүрсэн тохиолдолд гарах яриа, гарах мессеж, дата үйлчилгээг төлбөр төлөх хүртэл түр хаах.
 - 4.1.2 Хэрэглэгч нь зүй зохистой бус хэрэглээ хийсэн тохиолдолд Үйлчилгээ үзүүлэгч сануулаа хүргэж Хэрэглэгчийн үйлчилгээг хаах хүртэлх арга хэмжээг авах.
 - 4.1.3 Үйлчилгээ үзүүлэгч нь зах зээлийн нөхцөл байдлаар, төрийн байгууллагын шийдвэрийн улмаас Дараа төлбөрт үйлчилгээний нөхцөл, үнэ тарифыг өөрчлөх эрхтэй ба энэ тохиолдолд Хэрэглэгчид ажлын 5-аас доошгүй хоногийн өмнө мессеж, үйлчилгээний салбар болон www.skytel.mn вэб хуудсын аль нэгээр мэдэгдэх ба шаардлагатай тохиолдолд олон нийтийн хэвлэл мэдээллийн хэрэгсэлээр мэдэгдэнэ.
 - 4.1.4 Хэрэглэгч нь ийнхүү мэдэгдсэнээс хойш өөрчлөгдсөн нөхцөлийг хүлээн зөвшөөрч эсэх талаар ажлын 10 хоногийн дотор мэдэгдээгүй тохиолдолд Үйлчилгээ үзүүлэгчийн саналыг буюу нэмэлт өөрчлөлтийг хүлээн зөвшөөрсөнд тооцож ба Дараа төлбөрт үйлчилгээний нөхцөл, үнэ тарифын өөрчлөлттэй танилцаагүй, мэдээгүй нь төлбөр төлөх үүрэг болон бусад үүргээс чөлөөлөгдөх үндэслэл болохгүй.
 - 4.1.5 Үйлчилгээ үзүүлэгч дараах тохиолдолд Хэрэглэгчид урьдчилан сануулалгүйгээр Хэрэглэгчийн гарах хэрэглээг барьцаанаас хамааруулан хязгаарлах эрхтэй. Үүнд:
 - 4.1.5.1 Гадаадын иргэн бол;
 - 4.1.5.2 Задагд хаягтай бол;
 - 4.1.5.3 Цахим үнэмлэхний хүчинтэй хугацаа дууссан бол;
 - 4.1.5.4 Үйлчилгээ үзүүлэгчийн үйлчилгээний салбаргүй сумын иргэн бол;
 - 4.1.5.5 Өмнө нь үүсгэсэн авлага төлөлийг 6-аас дээш сар болсон Хэрэглэгчийг төлбөр төлснөөс хойш 6 сарын хугацаанд.
 - 4.1.6 Үйлчилгээ үзүүлэгч нь дараах үндэслэлээр Хэрэглэгчид урьдчилан сануулалгүйгээр үйлчилгээний эрхийг хаах эрхтэй. Үүнд:
 - 4.1.6.1 Төлбөрөө гэрээнд заасан хугацаанд төлөөгүй;
 - 4.1.6.2 Өргөдлийн маягтын мэдээллийг санаатайгаар худал мэдүүлсэн эсхүл 3.2.2-т заасан үүргээ биелүүлээгүй бол;
 - 4.1.6.3 Хэрэглэгч гэрээний хаяг дээрээ оршин суудаггүй болох нь тогтоогдсон бол;
 - 4.1.6.4 Үйлчилгээ үзүүлэгчийн бусад үйлчилгээнд төлбөрийн маргаантай бол.
 - 4.1.7 Хэрэглэгч үйлчилгээний төлбөрөө хугацаанд нь төлөөгүй нөхцөлд өр авлага барагдуулах зорилгоор хэвлэл мэдээллийн хэрэгсэлээр зарлах, гуравдагч этгээдэд хэрэглэгчийн талаарх болон гэрээний тухай мэдээллийг өгөх, төлбөрийг шаардах эрхийг хэрэглэгчийн зөвшөөрөлгүйгээр бусдад шилжүүлэх.
 - 4.1.8 Хэрэглэгч дахин шинэ дугаар худалдан авах хүсэлт гаргасан тохиолдолд өмнө байгуулсан гэрээтэй холбоотой ямар нэгэн төлбөр тооцоотой холбоотой асуудал үүссэн бол дахин гэрээ байгуулахаас татгалзах.
 - 4.1.9 Үйлчилгээ үзүүлэгч дараах тохиолдолд гэрээг дангаар цуцлах эрхтэй. Үүнд:
 - 4.1.9.1 Тухайн дугаарыг худалдан аваад хэрэглээ хийгээгүй, ашиглаагүй, дугаар хадгалах үйлчилгээнд бүртгүүлээгүй буюу тухайн дугаар идэвхгүй төлөвт шилжсэнээс хойш 6 дахь сард;
 - 4.1.9.2 Төлбөрийн үлдэгдэлтэй дугаарыг идэвхгүй төлөвт шилжсэнээс хойш 6 дахь сард;
 - 4.1.9.3 Хэрэглэгч өөрийн хүсэлтээр дугаараа хадгалуулсан тохиолдолд дугаар хадгалалтын хугацаа дуусаж, идэвхгүй төлөвт шилжсэнээс хойш 6 дахь сард.
 - 4.1.10 Хэрэглэгч үйлчилгээний төлбөрөө хугацаанд нь төлөөгүй тохиолдолд авлага барагдуулах зорилгоор Зээлийн мэдээллийн тухай хууль болон Төв Банк /Монголбанк/-тай байгуулсан гэрээний дагуу зээлийн

мэдээллийн санд зээлийн ангиллыг бүртгүүлэх, мөн түүнчлэн хууль тогтоомжид заасны дагуу бусад арга хэмжээг авах эрхтэй.

4.2 ҮЙЛЧИЛГЭЭ ҮЗҮҮЛЭГЧ НЬ ДАРААХ ҮҮРЭГТЭЙ

- 4.2.1 Үйлчилгээ үзүүлэгч нь Хэрэглэгчид үйлчилгээг өөрийн техникийн боломж болон хүчин чадлын хүрээнд чанарын өндөр түвшинд үзүүлэх.
- 4.2.2 Хэрэглэгчийн хэрэглээний дэлгэрэнгүй жагсаалтыг гэрээ байгуулсан тухайн дугаарын эзэмшигчид цахим үнэмлэхийг үндэслэн, дугаар эзэмшигчийн итгэмжлэгдсэн төлөөлөгчид нотариатаар баталгаажуулсан итгэмжлэлийг үндэслэн олгох.
- 4.2.3 Хэрэглэгчийн сар бүрийн хэрэглээний төлбөрийн нэхэмжлэхийг гэрээнд заасан и-мэйл хаяг, мессежээр хэрэглэгчид мэдэгдэх.
- 4.2.4 Гэрээгээр хүлээн зөвшөөрч үүргээ биелүүлэх.

ТАВ. ТАЛУУДЫН ХАРИУЦЛАГА

- 5.1 Хэрэглэгч нь гар утсаа алдаж, үргэгдүүлсэн холбоотойгоор үйлчилгээг түр хаалгах хүсэлтээ өгөх хүртэлх гэрээнд дээрх төлбөр тооцоогоо өөрөө бүрэн хариуцна.
- 5.2 Хэрэглэгч нь дугаар ашиглаж эрхээ Үйлчилгээ үзүүлэгчид албан ёсоор хандан гэрээний үндсэн дээр шилжүүлэхээс бусад байдлаар дүр мэдэн гуравдагч этгээдэд шилжүүлсэн бол түүнээс үүдэн гарах хохирлыг бие даан бүрэн хариуцна.
- 5.3 Хэрэглэгч дугаараа эсхүл гар утсаа гуравдагч этгээдэд санаатай болон санамсаргүй байдлаар дамжуулсан, ашиггуулсан, аль нэг програмыг буруу ажиллуулсан эсвэл энэхүү гэрээний 3.2.8-д заасан үүргээ зөрчсөнөөс үүсэн гарах аливаа үр дагавар, хохирол, зардлыг Хэрэглэгч бүрэн хариуцна.
- 5.4 Хэрэглэгч үйлчилгээний төлбөрөө хугацаанд нь төлөөгүй, төлбөрийн үлдэгдэлтэй бөгөөд өргөдлийн маягтад заасан хаягтай байхгүй тохиолдолд Үйлчилгээ үзүүлэгч нь Хэрэглэгчийн үйлчилгээний төлбөр төлөх үүргийн талаар болон өр авлага барагдуулах зорилгоор хэвлэл мэдээллийн хэрэгсэлээр зарлах, Хэрэглэгчийг эрэн сурвалжлах зорилгоор гуравдагч этгээдэд Хэрэглэгчийн талаарх болон гэрээний тухай мэдээллийг өгөх, шалгуулах, төлбөр төлөхийг шаардах эрхийг Хэрэглэгчийн зөвшөөрөлгүйгээр шийдвэрлэнэ.
- 5.5 Үйлчилгээ үзүүлэгч нь гэрээний өргөдлийн маягтад өгөгдсөн Хэрэглэгчийн мэдээлэл болон үйлчилгээний гэрээ, хэрэглээний дэлгэрэнгүй жагсаалтыг өөрийн нууцад хамааруулан хадгалах бөгөөд дараах тохиолдлуудад гуравдагч этгээдэд шилжүүлэх эрхтэй. Үүнд:
 - 5.5.1 Хэрэглэгч гэрээний үүргээ биелүүлээгүйгээс үүссэн авлагыг барагдуулах зорилгоор;
 - 5.5.2 Хуульд заасан үндэслэл, журмын дагуу эрх бүхий байгууллагын шаардсанаар.
- 5.6 Хэрэглэгч нь Үйлчилгээ үзүүлэгчийн нууцад хамаарах мэдээллийг хууль бусаар олж авах аливаа үйлдэл хийсэн, тийнхүү олж авсан мэдээллийг хувийн болон бусад зорилгоор ашигласан, хэрэглэсэн, бусдад задруулсан бол энэхүү үйлдлийн улмаас учирсан эсхүл учирч болох аливаа хохирлыг бүрэн хариуцахын зэрэгцээ хуульд заасан бусад хариуцлага хүлээнэ.

ЗУРГАА. ТӨЛБӨР ТООЦОО

- 6.1 Үйлчилгээ үзүүлэгч үйлчилгээний төлбөрийг сар бүрийн 01-нээс 31-ний өдөрөө тасалбар болгон дараа сарын 05-ны дотор Хэрэглэгчээс нэхэмжилнэ. Хэрэв Хэрэглэгч хэрэглээ хязгаарлах үйлчилгээ идэвхжүүлсэн тохиолдолд задаг яриа, мессеж, дата хэрэглээ нь хэрэглээ хязгаарлах түвшинд хүрсэн бол 05-ны өдрөөс үл хамааран хаагдана.
- 6.2 Төлбөрийн нэхэмжлэл нь тухайн сарын суурь хураамж, сарын хэрэглээний дүнгээс зохих хөнгөлөлтийг хасаж тооцсоны дараах дүн, төлбөрийн үлдэгдэл, НӨАТ зэргээс бүрдэнэ.
- 6.3 Хэрэглэгч нь үйлчилгээний төлбөрийг Үйлчилгээ үзүүлэгчийн заасан дансанд, үйлчилгээний салбарт бэлнээр, мобайл банк, www.skytel.mn болон бусад боломжийн аргаар төлнө.
- 6.4 Хэрэглэгч нь 6.1-д заасан төлбөрийг нэхэмжилсэн сарын 20-ны дотор үлдэгдэлгүй, бүрэн төлж барагдуулах үүрэгтэй.
- 6.5 Хэрэглэгч нь үйлчилгээний төлбөрөө цаг тухайд нь төлөөгүй тохиолдолд Үйлчилгээ үзүүлэгч нь үйлчилгээг бүрэн хааснаас хойш Дараа төлбөрт үйлчилгээний нөхцөлийн дагуу барьцаа төлбөрөөс Хэрэглэгчийн үйлчилгээний төлбөрийг суутгах эрхтэй.
- 6.6 Төлбөрийн улмаас хаалттай дугаарт төлбөрөө бүрэн төлөгдөх хүртэл хэрэглээний дэлгэрэнгүй жагсаалт олгохоос бусад үйлчилгээг үзүүлэхгүй.
- 6.7 Хэрэглэгч гэрээг буюу дугаарыг цуцлах өдрийг хүртэлх хугацаанд ашигласан үйлчилгээний төлбөрийг бүрэн барагдуулах үүрэгтэй.
- 6.8 Гэрээний 6.1-д заасан хугацаанд төлбөр нэхэмжлээгүй эсвэл 4.1.6.1-д заасны дагуу үйлчилгээ хаагаагүй нь төлбөр төлөх үүргээс чөлөөлөх үндэслэл болохгүй.
- 6.9 Үйлчилгээ үзүүлэгч төлөгдөөгүй төлбөрийг барагдуулахтай холбогдон гарсан нэмэлт зардлыг Хэрэглэгчээс нэхэмжлэх эрхтэй.
- 6.10 Хэрэглэгч нь үйлчилгээний төлбөрийг тогтоосон хугацаанд төлөөгүй тохиолдолд Үйлчилгээ үзүүлэгч нь хугацаа хэтэрсэн хоног тутамд нэхэмжилсэн төлбөрийн үнийн дүнгээс 0,3% алдагч тооцож нэхэмжлэх эрхтэй.
- 6.11 Хэрэв Хэрэглэгчийн барьцаа төлбөр нь нийт үйлчилгээг барагдуулахад хүрэлцэхгүй бол Үйлчилгээ үзүүлэгч үлдэгдэл төлбөрийг нэхэмжлэх эрхтэй.
- 6.12 Барьцаа төлбөр байршуулаагүй нь Хэрэглэгч хэрэглээний төлбөрийг төлөхгүй байх үндэслэл болохгүй.

ДОЛОО. ДАВАГДАШГҮЙ ХҮЧИН ЗҮЙЛ

- 7.1 Гэрээ хүчин төгөлдөр болсноос хойш Талуудын хүсэл зоригоос үл хамаарах шалтгаанаар тухайлбал гал түймэр, үер, хур тунадас болон шороон шуурга, газар хөдлөлт, аянга цахилгаан, галт уулын болон бусад тэсрэлт, дэлбэрэлт, цаг агаарын хэт халалт ба хүйтрэлт эсхүл төрийн эрх бүхий байгууллагын шийдвэр, хорио, цэврийн дэглэм, гоц халдварт өвчин, ажил хаялт, нийтийг хамарсан эмх замбараагүй байдал, үймээн самуун, зэвсэгт мөргөлдөөн, дайн /зарлагдсан болон зарлагдаагүй/, террорист хандлага, түлш, эрчим хүчний хэвгээрлалт, сүлжээний хэт ачаалал, доголдол, тасалдал зэрэг гэнэтийн буюу давагдашгүй шинжтэй нөхцөл байдлын улмаас Талууд гэрээгээр хүлээн зөвшөөрч үүргээ биелүүлээгүй буюу зохих ёсоор биелүүлээгүй тохиолдолд хариуцлага хүлээхгүй.
- 7.2 Гэнэтийн буюу давагдашгүй хүчин зүйлүүдийн улмаас үүдсэн нөхцөл байдал 30 хоногоос дээш хугацаагаар үргэлжилсэн тохиолдолд Талууд гэрээг цуцлах талаар саналаа албан ёсоор бичгээр гэрлэх эрхтэй.

НАЙМ. МАРГААН ШИЙДВЭРЛЭХ

- 8.1 Энэхүү гэрээтэй холбогдон гарч болзошгүй бүх санал зөрөлдөөн, маргааныг Талууд харилцан зөвшилцөж замаар шийдвэрлэхийг эрмэлзэх бөгөөд тийнхүү шийдвэрлэж чадахгүй тохиолдолд Монгол Улсын хууль тогтоомжид заасны дагуу шийдвэрлэнэ.
- 8.2 Энэхүү гэрээг монгол хэлээр хоёр хувь үйлдэж, Талууд тус бүр нэг хувийг хадгалах бөгөөд хууль зүйн хувьд адил хүчинтэй байна.

ГЭРЭЭ БАЙГУУЛСАН:

Хэрэглэгч өргөдлийн маягт түүнд агуулагдсан мэдээллийг үнэн зөв өгч, Талууд энэхүү гэрээний нөхцөлд заасан бүхий л заалтууд болон Дараа төлбөрт үйлчилгээний нөхцөлийг хүлээн зөвшөөрч байгаагаа нотлон доор гарын үсэг зурж, баталгаажуулав.

ҮЙЛЧИЛГЭЭ ҮЗҮҮЛЭГЧИЙГ ТӨЛӨӨЛЖ:
Үйлчилгээний салбар, утас:

Үйлчилгээний ажилтан:
.....

ХЭРЭГЛЭГЧИЙГ ТӨЛӨӨЛЖ:
..... ОВОГТОЙ

Гарын үсэг:
.....

Гэрээ байгуулсан огноо: 20 оны сарын өдөр